



ESCENA EN REDE

MUESTRA D'ARTES ESCÉNIQUES

Llaboral Ciudá de la Cultura
Del 22 al 24 d'ochobre de 2024

RELACIÓN DE PROFESIONALES PARTICIPANTES



Principáu
d'Asturies

ASTURIES



CULTURA EN REDE

**ANA LÓPEZ ASENSIO**

Directora del Teatru de Barakaldo



Directora del Teatru de Barakaldo (Bizkaia) dende'l 2018, **Ana López Asensio** foi más de 14 años directora del Área de Cultura y Mocedá del Conceyu de Leioa (Bizkaia), dende onde asumió la xestión executiva integral d'equipamientos municipales y la dirección artística de programes culturales como Umore Azoka-Feria d'Artes de Cai.

**MANUEL GONZÁLEZ**

Director de la Feria de Teatru de Castiella y Llión en Ciudad Rodrigo



Manuel González ye coordinador de programes de l'Asociación CIVITAS y lleva vinculáu dende l'año 1998 a la Feria de Teatru de Castiella y Llión en Ciudad Rodrigo, que dirixe dende l'año 2012. Ye programador del Teatru León Felipe de Sequeros (Salamanca) dende l'año 2003.

**ESTRELLA GARCÍA**

Directora de Zig Zag Danza y espaciu escénicu El Huerto (Gixón)



Directora, baillarina y coreógrafa, con más de 30 años de trayectoria profesional, **Estrella García** ye una de les precursoras de la danza contemporánea n'Asturies. Dende los años 80 firma más de 70 trabayos pa producciones de danza, teatru, zarzuela, ópera y musical, que xiraron a nivel nacional y internacional. Amás, fai talleres y cursos especializaos n'España y l'estraxeru.

MARÍA ÁNGELES GARCÍA

Coordinadora de la Comisión de Redes y Circuitos de La Red



María Ángeles García Cabello ye técnica de Cultura del Conceyu d'Albacete dende va más de 30 años, dende onde coordina'l Consorciu Cultural d'Albacete. Como coordinadora de la Comisión de Redes y Circuitos de La Red, trabaya xunto a les demás redes y circuitos d'equipamientos teatrales y musicales a nivel estatal p'ameyorar les sos dinámiques internes y recopilar información sobre'l so funcionamientu.

GUSTAVO DEL RÍO

Coordinador de Galicia Escena PRO



Gustavo del Río ye vocal d'Escena Galega (Asociación Galega de Empresas de Artes Escénicas) y profesor de teatru na Escuela de Teatru ON d'A Coruña. Dende l'año 2021 forma parte del equipu de coordinación de Galicia Escena PRO, la feria d'artes escéniques promovida dende l'Axencia Galega das Industrias Culturais de la Xunta de Galicia que se celebra cada año dende'l 2013 en Santiago de Compostela.

ANNA GIRIBET

Directora artística de Fira Tàrrega



Anna Giribet ye directora artística de Fira Tàrrega, Fira de Teatre al Carrer de Tàrrega (Lleida), dende l'año 2019. Lleva vinculada a la feria dende l'año 2011, siendo axunta a la dirección artística. Ente'l 2020 y el 2022 foi vocal del Conseyu Estatal de les Artes Escéniques y de la Música del INAEM como esperta en circu y teatru de cai.

**DAVID MARÍN**

Director de Nau Ivanow



Director del espaciu artísticu multidisciplinar Nau Ivanow de Barcelona dende l'añu 2012, al que lleva vinculáu dende'l 2008 y dende onde promueve la creación, l'acompañamientu, la internacionalización y el trabayu col territoriu, sobre manera con compañíes de teatru emerxente. **David Marín** ye esperu en xestión d'empreses y instituciones culturales pola Universitat de Barcelona.

**NACHO ORTEGA**

Director de la Escuela Superior d'Arte Dramáticu del Principáu d'Asturies(ESAD)



Actor, director d'escena, dramaturgu y compositor pa delles compañíes profesionales, **Nacho Ortega** ye director y profesor titular de la Escuela Superior d'Arte Dramáticu del Principáu d'Asturies; compaxina esa actividá col desenvolvimientu d'un llabor investigador n'ámbitu de la semioloxía y la recepción teatral. Ye miembru de la permanente del Conseyu Superior d'Enseñances Artístiques y miembru de la Xunta directiva d'ACESEA (Asociación Española de Centros Superiores d'Enseñances Artístiques).

**MARGARIDA TROGUET**

Comisaria independiente



Margarida Troguet ye xestora cultural n'ámbitu de les artes escéniques. Foi directora del Teatre de l'Escorxador de Lleida ente 1998 y el 2015. Actualmentu ye vicepresidenta del Plenariu del Consell Nacional de la Cultura i de les Arts (CoNCA) de la Generalitat de Catalunya.

CÉSAR CASARES

Secretariu xeneral de ConArte y miembru de Plataforma



César Casares ye secretariu xeneral de ConArte (Confederación d'Artistes Trabayadores del Espectáculu), integrada por 11 organizaciones territoriales de tola xeografía española. Ye miembru amás de la Plataforma Profesional d'Artes Escéniques y de la Música, integrada por más de 30 asociaciones y federaciones d'ámbitu estatal.

JESÚS CIMARRO

Presidente de FAETEDA y miembru de Plataforma



Jesús Cimarro ye productor escénicu y director del Festival Internacional de Teatru Clásicu de Mérida dende l'año 2012. Exerz tamién como presidente de FAETEDA (Federación Estatal d'Asociaciones d'Empresas de Teatru y Danza) y ye miembru fundador de l'Academia de les Artes Escéniques d'España.

DAVID MÁRQUEZ

Coordinador Plataforma Profesional



David Márquez ye consultor cultural al cargu de la coordinación de la Plataforma Profesional d'Artes Escéniques y de la Música. Dirixe la empresa Radar Cultura, dedicada a la xeneración y aplicación de conocimientu en materia de cultura que tien como oxetivu ameyorar les práctiques de planificación, xestión y evaluación de les organizaciones y instituciones culturales.



LUISALIJA

Presidente d'EscenAsturies



Llicenciáu n'Arte Dramáticu na especialidá d'Interpretación Testual na Escuela Superior d'Arte Dramáticu del Principáu d'Asturies. ERASMUS na Escuela Superior d'Arte d'Oporto. Especialízase en Xestión Cultural aplicada a les Artes Escéniques. Ye fundador de Saltantes Teatro, El Jaleo Producciones Artísticas y de Dramática Insania. Actualmente ye presidente d'EscenAsturies y de l'Asociación Profesional de Xestores Culturales del Principáu d'Asturies.



ESCENA EN REDE

MUESTRA D'ARTES ESCÉNIQUES



Principáu
d'Asturies

ASTURIES



CULTURA EN REDE